



福建通志卷之六十三

雜記



春秋魯國史耳然上下二百四十年間災異必書垂鑒戒也其所謂機祥則大有年而已非若後世之芝房興歌寶鼎紀瑞也今紀閩事竊以前車戒焉夫禹湯水旱邳治之世不能免也願早圖豫計卽九年水七年旱不爲憂矣閩地狹民稠水耨火耕僅足餬口一逢水旱疲困立見荒政之脩其可已哉至於書天文之變所以重脩省之義記四郊之警所以厯未雨之防是在筦海國封疆之寄

者熟籌之已作雜記志

福州府

唐大曆二年秋大水

建中三年大旱井泉竭疫死者甚衆

貞元四年軍亂逐其觀察使吳誥大將郝誠溢自稱留後

十七年劍池水赤如血

開成五年夏蝗疫

大中二年七月福建觀察使殷儼進瑞粟莖五六穗乾符五年十二月黃巢陷郡城殺戮無算

景福二年王潮陷福州范暉死之暉爲觀察使陳巖壻巖卒自稱留後初潮未至閩人謠曰潮水來巖頭沒潮水去矢口出其後朝廷卽以潮爲閩觀察使潮卒其弟審知代之閩人以爲讖云

乾寧四年唐以福州爲威武軍拜審知節度使初潮兄弟卜帥植劍於地拜而動者爲帥審知拜劍躍起衆異推之審知不敢當以讓潮而已副焉至是總府事審知雖起盜賊而儉約好禮時四分竊據或勸其建國審知曰吾寧爲開門節度使不作閉門天子竟以臣節終

五年黃崎港雷震水中巨石碎之海船利涉人謂審知德政所致號甘棠港

後唐長興三年王麟潛稱帝國號閩

晉開運三年丙午南唐李景兵滅王氏

宋太平興國八年二月知福州何允昭獻芝二本

至道二年詔福建民負人錢沒入男女者還其家四月福清長樂雨黃黑荳皆堅實異常

四年除民歲丁錢

景德元年颶風爲災詔賑之

大中祥符元年芝生於龍眼樹上次年又生於荔枝

初是年遣使取占城稻種

五年十二月候官山生芝五十四本閩縣聖泉寺生芝十本

天聖四年大水有詔賑恤

六年除福州民逋官莊錢十二萬八千緡

政和二年福清溪漲有魚騰波浪間沒民居數百家

時儀曹林摯與其弟攀
摯家寓於文興亭俱沒

靖康元年八月福州軍亂殺其知州事擲延饒

建炎四年詔奉安祖宗神御於福州時御舟航海將

避於闕

按鶴林玉露福州啓運官在開元寺有七祖御像南渡初倉悴間載以朱輦七乘列於殿

庶專差中官王香火節
序朝廷遣帥守致祭

是歲建州范汝為作亂福州城中大震

紹興二年饑斗米千錢

令憲臣移
廣粟以賑

十八年候官縣有竹實如米饑民採食之

二十九年大水入城漂閩候懷三縣田廬憲臣樊光

遠不以聞坐黜

隆興二年地震是年大旱

乾道二年福清石竹山大石自移聲如雷石方可九
尺所過成蹊山之木石如故

三年秋霖雨禾麻菽粟多腐

淳熙四年夏大水漂民廬數千家

五年大水漂圯古田縣治

十二年饑令守臣賑貸

十四年旱令有司賑之

紹興二年四月霖雨至於五月大水候官懷安古田
閩清壞官民廬舍

嘉泰二年古田縣大水漂官民廬甚衆溺死者數百

開禧元年旱是歲又水有詔賑之

十四年旱詔賑恤

嘉定四年十月一夕再火燔城門僧寺民廬千餘家

福建通志 卷之六十三 雜記 四
十三年饑人食草根

十七年五月大水候官甘蔗峇漂數百家多溺死者
水口鎮民廬皆盡是年秋颶風大作損稼

紹定三年蝗

端平七年大旱詔州縣軍旅之後遺骸棄道路感傷
和氣有司收瘞之

十二年大水詔賑之

寶祐元年旱詔賑之

景定四年颶風十一月火

景炎元年夏五月乙未朔端宗皇帝卽位於福州以

大都督府爲垂拱殿便廳爲延和殿是日有大聲出
府中衆皆驚什

二年元大將董文炳帥師入福州秋毫無犯宋御舟
遷於海

元元貞二年饑賑粟有差

大德六年饑五月丁巳賑以糧一萬四千七百石

至正四年大旱

六年寇入連江

十四年大饑人相食

二十三年連江縣有虎入城羅源縣猛獸害人非虎

非熊或曰駁馬云

是年燕樓鴟尾吐氣如霧

二十四年七月白晝獲虎於郡城西

明洪武元年大將湯和由海道入福州兵不血刃執

陳有定歸於京師

四年永福賊溫九作亂寇掠鄉里有司捕之逃去後

復來寇義士楊惟吉率眾圍獲之

二十年大旱

二十一年長樂大水

永樂十年長樂首石山鳴

識云首石山鳴出大魁是歲馬鐸及第後六年李

又及第

正統八年戊辰鄧茂七作亂於沙尤福州山賊攻劫

諸縣殘破羅源古田永福閩清死者不可勝計處州

賊乘亂入連江福城戒嚴避寇扶攜入者日以千計

成化十三年火燬還珠門及民廬數百家

十六年長樂縣十八都昆由里突起小阜高三四尺

踐之輒陷明年復於其左湧起一山廣袤五丈餘是

年大疫民多死

十八年長樂半占山崩厭居民廬舍有死者連江大

水壞縣公署學舍倉廩壇壝民畜溺死不可勝計

有古名可

歲次

福建通志 卷之六十三 雜記

二百零四

三十五
十九年六月庚辰大風雨拔木發屋公署民廬盡壞城上敵樓頽毀一空福州九縣同日官私船漂沒無算死者千餘人

二十年十二月戊寅地震有聲

二十一年三月雨不止至閏四月閩縣候官懷安古田閩清連江羅源永福八縣俱大水民多溺死

二十二年旱古田連江大疫

二十三年羅源賊劫縣庫官軍尋獲之

弘治七年正月還珠門火延居民二百餘家

十一年春長樂十九都靈峰上產芝三本

十四年古田白水寇逼縣城爲官軍所殲

十六年長樂馬江大風覆舟死者幾百人

正德三年還珠門火延居民廬舍百餘家

四年連江地生白毛焚之有髮氣

十二年四月地震是歲地五六震皆有聲

十三年四月雷震常豐倉五月雷震東城是月福州

三衛軍作亂初官軍月餉八斗時給之價布政使伍符以糴賤裁之軍士訴御史議未定有進貴葉元保者富而黠遂鳩黨盟城隍鼓譟通衢鑰七門以守執伍布政一子一婿將殺焉城中大震致仕都御史林

廷玉副使高文達出諭乃定至八月貴等復亂大索城中金銀聚衆屯開化寺林中丞高憲副復出諭密會兵備副使李志剛潛計討之有姚景通者亦貴黨也以分金不平請爲內應李與鎮守謀遂率北門軍攻貴貴走追斬之盡燼其黨

十四年長樂雨雪

嘉靖四年梅花鎮海水忽變赤色經旦復清魚蝦可數

五年正月夏大旱知府汪文盛奏蠲租賦

九年候官獄囚反時正月二十九日夜也初候官縣

令黎文會素酗酒守獄者得囚金縱之有林汝美故縣吏也以殺人論死車小二則郡劇盜也二人私以兵器藏瓜中遂率衆斬關而出殺候官令趨南門將逝於海適三司晨候御史於南察院遂殺布政查約叅議楊瑀都指揮使王翺經歷周煥賊逸去後頗追獲

是年四月長樂大常山鳴

十一年大雨雪里巷中羣犬驚吠是歲閩果不實

十三年二月雷震萬歲寺浮屠火光如炬燭照城中

時屠僑爲布政冒雨救火以雨衣藉地甫三拜而塔頂大鼎墜地有識云諸天及人無由見鼎地推

三月夫兩四花土田三變今古同時
暑人握閩雨衣三拜梁天監四年書

十八年閏四月颶風大作瓦屋皆飛

十九年賊寇連江

二十一年羅源大水山崩沙壓田長樂饑疫

二十三年大饑巡按御史何維栢賑之何尋以劾大

學士嚴嵩逮詔獄士民哭送道輒不得行

二十九年地大震海賊入長樂

三十年雨石於連江有聲如雷十一月福州地震

三十一年二月烏石九仙二山土中產珠郡人競取

之着手輒碎

三十四年六月大雨雹倭寇福清海口鎮殺數百人

大掠而去

三十五年正月大雨雹是歲民間訛言有海騶精狀

如螢着人衣裾必死城中家擊金鼓若防巨寇夜不

帖席數道士帀符治之有司疑卽道士所爲也將寘

之法道士逸去怪亦絕

十一月大雨雪

三十六年正月改浙江巡撫都御史阮鶚於福建從

侍郎趙文華奏也

八月倭數千人由海入寇至福寧轉掠而南遂逼省

會四郊被焚火照城中死者枕籍南臺洪塘民居悉為煨燼巡撫阮鶚竭庫藏併括民間金帛賂之倭托言風未順遂駕巨艘稠載揚帆而出於海

三十七年正月倭仍連艘環泊梅花定海等處戕殺男女備極慘毒所掠富家兒為揭名於路令以數百金行贖則放還沿海廬舍焚燹一空

三月詔錦衣衛官校逮繫巡撫福建右副都御史阮鶚赴京以言官劾其刮民間金幣賂賊故也阮自浙叅政超拜其地巡撫尋移鎮閩實意不在兵未一年所費閩庫銀六十餘萬

夏四月閩各縣李樹上生桃福清縣紫紫猪猪蛟蛟殼殼色如丹

四月倭蹂連江踰北嶺復逼會城轉攻福清陷之執知縣葉宗文劫庫獄殺掠男女無算焚官民廨舍一空訓導鄔中涵舉人陳見死焉

三十八年倭由福寧寇福州城門晝閉遂掠近郊陷永福而遯義士謝介夫戰死

五月倭攻福清巡按御史樊獻科劾巡撫都御史王詢叅將黎鵬舉失律奪俸抵罪有差

三十九年倭舟尚屯沿海劉巡撫燾下令大開城門

往來不禁親率兵追賊於閩安鎮劉精騎射家蓄健兒數十輩俱習戰賊素懾其威名遁去

四十年倭寇泉州分其黨圍福清廣兵王鳳等作亂自江西度關欲乘虛窺福州至茶洋聞有備不敢下劉巡撫單騎諭之還所掠男女七百餘人

四十一年正月朔地震有聲三月三衛軍郭天養等

作亂先時游巡撫無震得遣兵征古田山寇通判彭登瀛與指揮王豪爭禮不相得師旋無功彭通判

委罪於指揮巡撫怒斬隊長四人三衛軍因閩教場大譁侮辱監軍副使汪道昆圍之自旦至暮馬侍郎森陳參政元珂出諭乃定

八月倭攻福清圍未解游巡撫告急於浙江總督胡

宗憲遣戚參將繼光率戴繼宗冲霄把總胡守仁等

兵萬人由間道趨閩

十月衛軍郭天養等再作亂

以藩司勾算月糧參謀聚鼓樓前公署皆閉天養等益驕突入龔祭酒用卿家斧其柱莆田黃侍郎大用新構將軍山居燬之馬侍郎森復出諭乃散

四十二年大將戚繼光大敗賊於興化既解其圍遂

分別將趨福州合擊長樂賊破之斬首二百餘級倭

屯海上者盡遁殘寇五百由北嶺窺會城千總胡世

兵驅之多赴海死

先時倭為閩患累年華亭徐相公憂之薦劉巡撫又不合於嚴相病免閩亂益滋山寇起衛兵驕人洵懼莫保其生至是徐相得專政柄適倭陷莆乃與兵部楊尚書博

謀超拜譚參政綸為御史大夫又以巡按福建御史李邦珍屢薦戚繼光戰功用為總兵發南京庫帑二十二萬兩助餉譚巡撫至以戚麾下千人自衛始申法令時糧儲為滅賊計召亂軍郭天養誅之三衛股粟山海諸寇遣諸將以次討平由是流亡復業閩人始甘食其土矣

四十五年正月朔日地震

隆慶元年詔蠲福州府逋稅

萬曆二年八月晝暝空中有聲如雷地大震方山巨石墜於田

五年巡撫龐尚鵬奏蠲福州府軍餉未輸者數萬兩六年五月大水候官懷安稼損十之八是秋大旱

七年正月丈量官民田畝先是昇平日久田畝冲塌及里胥飛酒各縣浮糧

以數計巡撫劉思問奏請丈量報可乃沿坵復畝逐一清丈然姦猾舞文其害尤甚不過取足原額而已閭閻之病未瘳也

三月裁懷安縣併入候官縣

六月新作貢院成六月給事中蕭崇業冊封琉球暫為使館家人弗戒燬於火至是重

建東西號舍始改砌以磚

十八年正月不雨至秋八月

十九年夏大旱

二十年三月二十五日有星隕於閩縣東南者三

二十一年閩縣知縣王仰為家奴毒死仰子廷試手

殺家奴三人於城隍廟

二十二年二月不雨至夏五月穀涌貴饑民大譟掠

劫城中越三日乃定先是連歲不登三四月間每石穀價至五錢闔城米肆盡閉東

門李章家故饒倉多陳朽列米於肆故高其價令糴者鱗次陳七往糴自辰至午次未及大譟於門

李段之眾乘機遂亂盡掠其米入焚其倉烈焰亘天巡撫許孚遠聞變遣坐營古應科提兵往捕之

克首盡逸去所縛者收拾灰燼之饑民而已次日解赴軍府乎遠陳兵於門出旗牌欲立梟之布政

使管大勳兵備僉事張喬松入見立求寬解始細打割耳以徇是夜鄧三鼓眾攻焚古應科之屋為

兵所擒吳和尚挾讐刦燒北門蔡審理家城內計聞風搶掠者十餘處巡撫許孚遠始部浙兵分布

城中固守各巷口開門戒人勿夜出又次日大發倉廩亂遂定後巡撫金學曾至奉旨斬鄧三等於

二十七年督礦稅太監高案至

二十九 八月九仙山新臺燬初內使建臺於九仙山之巔及烏石山之麓形家以為非宜後諸生以關路燬其亭尋復

建三十九年撫院丁繼嗣言之內使遂撤去

三十年七月颶風作長樂渡舟覆溺死三十餘人

八月二十五日夜長星亘天頭大紅色尾尖白色

三十二年十一月初九日地大震有聲時方夜動搖不止屋若將

傾人爭驚避墻垣多頽塌江浙之震皆然

三十四年八月初七日大風陽岐江五舟竝覆溺死

千餘人是時興泉漳三郡生儒就試不得入急欲發舟舟人止之不從中流起風五舟俱覆乃訛

以為峽江誤也

三十六年五月大饑時連年荒旱巡撫徐公學聚給引招商聽其興販於是商賈轉

運鱗集江干穀價雖騰民鮮饑色故江淮蘇松之米浮海入閩自徐公始民受其賜大矣

九月閩縣鼓山石崩有聲如雷

十一月二十二日東門守門軍蘇九郎妻鄭氏一產

二男二女

十二月十七日巳時布政司火藥庫火庫四旁皆隙地鎖扇甚嚴

中有佛狼機大銃數門忽火自內出奔突衝擊人皆驚什滿城屋瓦盡震

三十七年五月二十六日大水入城本年五月二十四日建寧蛟水

發衝壞城郭漂流廬舍壓溺男女以數萬計是日延平之將樂順昌等縣蛟水亦發所蕩村落悉為丘墟二十六日湖漚而下勢若奔馬倏忽間會城中平地水深數尺郭外則丈餘矣一望瀰漫浮尸敗椽蔽江塞野五晝夜不絕故老相傳以為二百年來未睹也水皆滷濁色人不敢飲於江者浹月

當事以異災聞奏請蠲賑然時水旱遍宇內朝廷亦不能每人濟矣

八月大雨初六日烏石山崩山南有新立阮公祠仁王寺是日雨暴山崩

祠盡燬壓死者數人

是月風雨彌旬初六日貢院內水深數尺文場垣舍傾壞巡撫御史陸夢祖改初場試期至初十日始入試

三十九年改大田驛官路由扈嶼至仙岐渡江抵陽

岐入省尋又改從吳山過江

三十九年羅源縣羣虎為虐知縣陳良諫禱於神率

民擒獲其四害遂息

四十年二月十一日大風馬江渡覆死者百餘人

四十一年羅源縣大旱

四十二年九月長樂縣后山民房發火有龍起於鼓尾潭大雨火滅

四十三年八月永福縣大水漂流城郭田園人畜淹死無算

四十六年秋分夜東方有雲赤白色形如刀長丈餘累月方消

崇禎五年三月大雨雹麥無粒收

五年劉香劫連江諸生趙瑞印率鄉民陳其惠禦之

遁去其惠戰死

九年劉香海舟入長樂松下民竄三日絕烟

十年十一月十九夜西南有物如流星下墜大如瓜

至半而滅其光熠燿

十二年連江浦口地裂出血噴激丈餘

十三年長樂縣風雨怪作拔枝發屋濱海如洗

十四年正月二十八日雨水如黃泥

五月二十日大水城滄及半

七月初一夜大風拔木發屋公署民廬盡燬城樓皆

傾倒水中覆舟無數

八月城野果木皆華

十五年九月二十七夜南門發火延燒千餘家

乙酉年六月二十七日唐藩入閩是夜有星形如長

刀

丙戌年二月十四夜芝山寺火延燒鐘樓靈源閣及

民廬

國朝

順治三年九月十八日

大清王師入閩兵不血刃居民安堵

是月二十日執齊巽張份張質江不空戮之

五月十八日積雨遂成巨浸城中水深六尺

十一月初三夜開元寺火

五年春福城大饑

先是丁亥年七月四郊多壘路途阻塞城門嚴禁米價日騰至七

錢城中率皆餓死初食草根水萍繼而爭啖人肉每遇市曹戮人輒割無餘或誘孩入戶而剖之甚至自亦其子時巡按周世科更立酷法磔磨釘剝諸刑濫及無辜幸閏四月總督部院陳錦兵至悉除苛政運米賑濟兼以禾稻漸熟民慶甦生

十四年固山郎賽出鎮閩省圍東湯二門民居北至

湯關閩南至水關閩以河為界駐兵

十六年七月二十八颶風大作棧樓開元寺倒蹋

十七年靖南耿繼茂入閩鎮守次年復圍民居相橋

上河西一帶及水部關外民居至河口止百姓迫窄顛連甚有露處者

十八年五月生員鄧譔被鹽運司王志佐刑拷自刎於明倫堂十學生員林芬等幾遭大獄巡按范平疏救

是年夏大水漂溺廬舍

是年秋移沿海居民於內地

七月初一日火燒雙門樓第一樓及民居千餘家

康熙二年十月彗星見

二年閏六月永福縣大水漂溺城郭衝陷田園廬舍

六年五月連江縣金鐘潭風浪驟作雲霧蔽天有龍自潭躍出鱗甲俱現從西北去

七年八月大水漂流廬舍田園

十二月總督趙廷臣閱界展復移民

十一年十月十七連江縣地大震十餘日每晝夜十餘次至十一月二十一日方止

十二年七月雷火樣樓

十三年三月十五日耿精忠反

十六夜大雨震電雷碎耿精忠屋上鴟尾

十五年九月十六夜總督范承謨被害賓幕稽永仁

福苑通志 卷之六十三 雜記 十七 二頁十二
沈上章王龍光李全弟范承譜領燾王天祐家人于
通等五十餘人皆被殺

九月初十日康親王統師入閩萬姓懽呼載道隨疏
免十六年分併以前錢糧

十八年再移展復居民於內地

五月長樂縣大風

十九年水災異常各縣田廬皆漂溺

十月彗星見

二十年永福縣大旱禾稻絕收

是年總督姚啓聖疏請盡復原移沿海居民

二十一年正月二十三日火燒還珠門及民廬數百
家

四月大水田廬多漂溺

六月雲霓有五色

十月譙樓前火延燒總督轅門

泉州府

唐貞觀二十年蝗

二十一年八月海溢

宋太平興國初僊遊盜起攻郡城通判喬維岳固守
轉運楊克讓率兵破賊解圍

至道二年五月甘露降

咸平三年二月甘露降

天禧五年三月甘露降

治平三年六月大雨城市水漲壞民屋數千百家

四年秋地震如雷

熙寧二年大風雨溪洪與潮相激漲溢損田稼漂民

廬舍

十年饑

紹聖二年七月水三日壞城郭廬舍

崇寧元年大旱水泉涸山中民汲水至二十餘里鄉

人多暍死

紹興十三年郡盜四起有號周老虎詹鐵义者擁衆

數萬鄭振擊之遁去

乾道三年五月郡城火是月大雨四旬晝夜不止

淳熙元年十二月郡城火燔城樓及民居

七年江舟賊沈師作亂泉郡大震太守程大昌統制

裴師武討之賊遁

十一年四月不雨至於八月是年無禾

嘉定九年大水漂田廬害稼

十一年海寇趙希邵等衝突圍頭知府真德秀請移

寶林寨兵戍立寶蓋寨分地巡檢獲趙希邵誅之

十六年秋大水壞田稼是年永春樂山之東有橘一

株隨人取食如懷橘而歸則袖中變為蛇腹又樂山

前有人釣一魚忽變為雙髻嬰兒其人擲釣而去

德化東西團有蔣氏者所居門外有巨木十四五圍

凌則莫知其名百鳥不敢棲又惠民里下碧村

有農夫耕於野婦饑之適飯有沙怒欲毆婦值張道

人過見之為勸止道人一頓足而地震曰沙去矣今

環五里許無沙

元至元二十二年二月地震六月大水

泰定元年饑

元統元年大水漂民居數百

至正二年九月大風雨永春南象山崩壓死人甚多

十年十月安溪候山鳴二日

十三年七月兩白絲丁卯海水日三潮

十四年大旱種不入土人相食是年夏安溪盜李大

南安盜呂光甫為亂七月圍泉州城不克

十七年萬戶賽甫丁阿迷里可反據泉州城民大被

茶毒

二十六年七月同安大雷雨三秀山崩

明洪武九年大水蕩沒民居無數

二十年德化里虎為災羣虎四出有白晝噬人於牖下者民緣是死亡轉徙相續戶口耗田野荒

三十一年大水壞民廬舍

正統十年五月大水

十三年鄧茂七據杉關攻上游郡縣將攻郡城郡守熊尚初提民兵與晉江主簿史孟常陰陽正術楊士洪拒於城南古陵坡皆死之

成化十二年大旱饑

十八年七月永春大雨至於八月洪水泛濫瀕溪民

居滄死甚眾

二十一年自春徂夏積雨連月田廬禾稼多壞

二十二年春夏連旱禾苗俱稿秋復旱民多流移九月地震三次

二十三年春旱無麥秋大旱無禾

弘治四年漳平盜濫文進寇安溪攻陷縣治副使司

馬聖討平之

六年七月初三日大風雨自耶至申揚沙石開元寺

西塔葫蘆傾覆林木折無數城鋪粉堞頽十之九壞官私廬舍商舶民船不可勝計是年大有秋甲寅麥

復大熟

十年安溪縣二公峰崩如雷

十二年冬甘檟生花其結實如黍是年饑

十三年三月地震有聲

十四年大旱無禾是年安溪縣午山崩

十六年七月九月大水漂沒民居

正德五年廣東盜起永春安溪南安晉江安海肆掠甚慘

八年旱饑民採草木實有餓死者

十一年八月地大震安溪午山大崩

十二年地生毛一夜長二三寸有白有黑民驚駭者兩閱月乃沒

十三年南安縣麥一莖兩穗同安縣粟一莖五穗

十五年三月二十五日安溪地大震聲如雷

嘉靖三年冬廣東汀漳盜復寇永春初四日知縣柴鑰敗之於高坪小姑等處義士蔡玉智張元宗等死之

五年永春五月不雨七月十七日忽有物如西瓜從天而下流轉於地有聲如雷不甚異民駭不識須臾火發聲震衆皆昏眩仆地有震死者既而雨下如注

七年八月初九夜同安縣大風拔木發屋瓦至初十日曉雨下如注風乃止

十一年冬雨雪同歲次年大熟

十五年十六年旱饑

十七年同安甘露降甍木末如飴人爭採之御史李元陽奏進薦於太廟

二十一年五月十三日同安晴時海中氣蒸如霧有斷虹飲海而起日下赤雲夾擁南飛至夜大風起屋瓦盡落巨木悉拔

二十三年二十四年相繼大旱民饑死載路

二十三年五月南門橋十字街火燒民居三百七十餘間

二十六年八月大雨郡城街水入民居泮至半壁各鄉俱水災

三十六年冬十月訛言有馬精者其來見火星隕地婦人犯之輒昏仆以桃柳枝撻之否則必死戶懸桃柳夜聚婦人露處男子環守之鳴鑼鼓達旦有司禁不能止有黃冠者鬻符於市捕訊之果得所爲火星衆始釋然妖遂寢

三十七年倭自福清海口入寇泉州衛指揮童乾震

引兵迎戰死之是年後長坑頭登岸由龜湖突至安平市殺掠數日乃去又至惠安知縣林咸率鄉官李愷等拒守城賴以全復分二支一由海道寇鴨山林咸復率兵拒戰死之一由清源山前寇陷南安遂至郡城城中固守二十日乃去

四十年叛民呂尚四聚黨攻陷永春擄知縣林萬春燔典史廨大殺居民而去

四十一年郡城瘟疫人死十之七市肆寺觀屍相枕藉有闔戶無一人存市門俱閉至無敢出是年德化田鼠大作一畝之田至有數千春食秧冬食穀畦畔

介然鼠道草爲不生次年穀貴人多饑死

四十三年五月淫雨不止大水入郡城鄉村皆浸人畜多死是年五月十七德化暴雨黎明縣前水深丈餘衝激之聲若雷民居漂流過半男女逃縣後山須臾間街之南北不可相通東城崩壞無餘

四十四年三月十七日同安疾風迅雷陰雨如注至未時忽昏如夜咫尺不辨至申時始稍開霽是年十二月初六日大雪山村雪厚至三四尺四五日消人以爲異

四十五年正月元日夜地震墻屋搖動是月十六日

德化大雨雹五月二十一日夜郡城大風雨城堞多
壞清軍館前大榕拔起田禾多害七月初十日午德
化晝暗如昏大風猛烈冰雹如彈人皆閉戶移時啓
視四山盡白平地盈尺秋冬大旱晚禾無收
隆慶元年正月二十九日酉刻地震二月二十一日
未時小震四月初三日酉時又震四月初八日雨至
五月初一日乃止是年永春四五都岐山崩是月有
豹入郡通淮門至於教場獲之
二年正月十四日石筍橋第十二間有石梁一鳴三
日而折春麥禾大熟

萬曆元年大有年

二年九月暴雨三日洪水高漲郡城東西隅尤甚而
可行舟廬舍傾圮瀕溪民畜溺死無數

七年正月不雨大旱蝗民饑饉六月乃雨

九年五月同安長興從順里蛟起雨傾如注漂流人
居多溺死

二十二年四月惠安地震如雷聲從東方來漸從西
去

二十四年八月惠安颶風大作九用地大震

二十五年同安積善翔風等里雨雹大如瓜小如桃

碎瓦損麥移時而止

二十八年八月同安地大震

二十九年七月永春霖雨數日大水自山中發溢入郡城

三十一年七月惠安地大震八月同安大颶風海水漲溢積善嘉禾等里壞舍溺人無數十月地生毛十一月二十八日申時有大星如毬自南墮有聲是年漳泉人敗呂宋者數萬人爲所殺無遺

三十二年十一月初八日地震初九夜大震自東北向西南是夜連震十餘次山石海水皆動地裂數次

郡城更甚開元東鎮國塔第一層尖石墜第二層第三層扶欄因之併碎城內外廬舍圯覆舟甚多

三十三年十二月南街頭火發延燒百餘家

三十四年八月初七日颶風異常作一晝夜城中石坊飄折十餘座開元西鎮國塔銅葫蘆鐵蓋飄折崩壞是年饑

三十五年正月地震八月二十八日颶風大作府儀門府學櫺星門頽東嶽帝殿壞城樓雉堞窩舖傾圮殆盡洛陽橋梁折

三十七年五月初六日地震

福建通志 卷之六十三 三六 百八十四
四十二年夏海水一日二潮秋大水平地數尺田宅
丘陵多崩壞漂棺無數

四十三年夏旱

四十四年大荒米貴

四十五年大疫

四十六年秋東方有赤雲一片長丈餘形如刀數月不散

天啓六年三月南安邑治前火東西兩畔不踰時盡燬至真人廟止

崇禎四年十二月二十一日丑時地震

五年二月初二日地震

十五年雨水如血紅白不一

乙酉年南街崇陽門火延燒房屋百餘間

國朝

順治三年貝勒王統兵入閩九月至泉州

四年雨絲

五年八月源山蛻巖頂石崩

十二年雨亦復雨絲

十三年正月大雨雪平地深尺許五月南安署東榕樹吐烟高數丈越數日西榕樹亦如之

十四年南衛火延燒二十餘家

十五年五月虎入北門水關城兵以砲殛之

十八年秋颶風大作晝禛禮拜寺圯

康熙元年三月四月大饑餓殍載路

二年春雨雹夏南安大水市可行船七月又大水是

年鄭鳴駿鄭纘祖鄭繼緒等率眾歸誠

三年六月二十六日異風雨水驟漲自辰至申水高

丈餘城中市肆湮沒船繫於樹杪官民逃竄無所淹

死甚眾三晝夜乃退城外墳廬多漂圯

四年大旱自十月至五年三月不雨

五年七月大雷震紫帽山頂凌霄塔擊崩一角八月

郡東門外巨石夜崩如刀劈

七年府學榕樹發玉芝三莖

八年秋旱

九年四月晉江鄉民獻兩穗麥七月八月同安大旱

九月朔雷風暴發雨雹如指大墮地不破

十一年秋大旱十月二十五夜地震有聲又虎到西

門城下官兵圍殪之十一月二十三日西街肅清門

火延燒民房四十餘間

十二年三月十六日午時地震其鳴如雷

十三年三月耿精忠叛提督王進功十九夜焚崇陽樓搜掠郡城二日

十五年四月十六日德化大雨溪水漲衝入城中樓垣漂没人畜溺死無數

十六年二月官兵克復泉州

十七年五月城鳴聲如微雷

十九年三月四月大饑斗米二百八十錢

八月初八日大風拔木有火在空中閃光如雷雨如注府前慶會坊傾倒興泉道署前榕樹拔起

二十年至二十一年德化附郭虎白晝四出不匝月

遠噬百餘人聞人喊聲卽至人望一虎似馬項上赤

鬣兩垂後脚獨小伏銃殺之視其狀果然

二十一年二月泉州東門外民家生一豕兩頭八足

建寧府

明崇禎八年壽寧縣竹生米秋成禾稼大歉九年春

夏間遍山竹生米形如小麥值米貴民乏食取而粉

之可粥春之可飯於是闔邑競採多至廩庾轉發糶

民賴以濟

乙酉春正月初八寧遠門哭有武弁巡城守者言其狀再遣人往政和門城牆皆哭如女子啼聲

丙戌年正月午時天晝晦須臾頰紫色大雪雹重至十餘觔延平以下皆然

國朝

順治四年甌寧縣梅岐里瑪瑙庵前桐樹葉化爲刀鎗等形次日遍山皆然

四年五月淫雨十六十七日水漲入城舟至縣門前人家水深三四丈

夏建安縣南十里鐵塲山崩長一里壓田二十餘畝民房數十間

夏甌寧縣西鄉里江曆山崩壓傷三十餘人

七月王祁寇古田縣山中集衆數萬沿東溪至府城攻圍七晝夜時鎮兵遠調倉卒莫及初四日城陷至五年正月 本朝大兵雲集四月初四克復祁就擒闔城燹焚

五年建甌二縣竹生米次年大饑

七年建陽前譙樓燬

九年松樹生蟲各樹自死次年寇亂崇建縣皆然

九年吉陽雄雞化爲雌生卵抱雛次年寇掠其村盡墟

九年陳德容亂崇安建陽城陷至甌寧數邑村落焚

掠殆盡十四年總督部院李率泰招安授職

九年五月建陽開福寺水井溢流二十餘日九月十

三日山寇圍縣城焚朝天拱辰二橋關廟盡焚至十

六日圍始解

十年大疫八縣皆然崇陽爲甚

十一年二月初八夜雨雹府學井中有龍飛出環遶

明倫堂冲柵而去

十一年水荒米一石價銀五兩已上

十二年山寇張建在南雅口焚掠各鄉十四年總督

李率泰差員招安十五年復叛入山爲鄉民所殺

十三年建陽開福寺井水復溢流七月防千總董世

滿等鼓噪劫掠兵道李元萃招撫回汛

十五年近郊多虎樵蘇絕迹崇安縣虎入北門

十八年四月下黑子約十餘日焚之有硫磺氣

十八年五月雨黑子如禪實二十二日大水各城門

崩十餘丈通都橋崩人行屋上作筏以渡四山崩潰

如布皆血色約三四百處

十八年六月初一大寒有霜宇葉盡白初四見雪初

六月見天中

康熙二年三月大風府治倒及穿亭各旗竿皆折

二年崇安縣大水城壞三處其三十餘丈自新嶺下
至山坳決去石路三十餘丈田二百餘頃橋圯七座
五年九月二十二日寅時地震

十年五月初九大水通都橋適落成衝折石址俱決
延平府

唐大曆二年秋沙縣大水

建中三年六月沙縣旱疫

開成五年沙縣夏蝗疫

五代長興四年沙縣地震

宋太平興國七年七月南平溪水壞民居

天聖四年南平沙縣大水詔賜被災家米二石死者
有司瘞之

皇祐四年九月南平瑞禾一本雙莖十二穗

元符元年南平嘉禾一莖九穗順昌禾一本十二穗
政和間沙縣葉隆吉家瑞花生

宣和二年芝生鄧肅家

淳熙四年南平大水

嘉定元年秋七月沙縣災

十七年五月大水郡城樓圯

淳祐十二年六月南平大水逾城郭死者萬數

寶祐元年將樂民饑義士鍾元隆發廩賑之

元至元十六年七月鄧仕明寇將樂縣軍民總管吳

林清克之尋平蕭良金亂

十八年將樂縣吳林清平清流賊火星女將軍

二十五年吳林清平泰寧賊江海

至正元年順昌嘉禾一莖五穗

四年臨川賊鄧忠寇將樂縣邵武路總管吳按攤不

花却之

明洪武元年汀州金子誠寇陷將樂城武臣朱平章

克復之

永樂十四年夏南平將樂縣順昌俱大水

正統十二年沙縣二十四都民鄧茂七為亂

十四年春正月寧陽侯陳懋等率師討鄧茂七二月

茂七寇延平劉聚禦之茂七中流矢死張楷撫定閩

賊遂命金濂陳懋留鎮福建

成化五年將樂饑光明陽岸都民強發富民倉

弘治十一年七月南平縣吏舍火延燒縣署儒學民

居

十二年南平順昌沙縣民饑守巡藩臬以聞命有司

賑恤

十七年順昌甘露降縣庭

二十三年五月將樂大水漂三華橋及隆池都民居
正德四年永安寇敬二倡亂僉事羅某討平之
八年德化寇鄭韓五爲亂知縣曾確購兵擒之
十二年四月十九日沙縣地震是年將樂董旭等爲
亂

十六年八月初一日未時將樂縣日暗星見禽鳥投
棲

嘉靖元年大田賊鄭新筠引汀漳寇掠境漳州通判
陳岳延平通判林元推官徐階行部賊負固拒官兵
岳等按兵不動責里老捕之尋平

二年三月永安火災延燒民居千餘六月又災

七年將樂多虎縣簿洪俊教民弮捕之

十年夏將樂大饑隆安長源等都民張庚光等強劈
富民倉知縣發預備倉賑之

十一年八月彗星見西南方光芒燭地

十四年五月十四日府城西溪大水逆流東溪浸至
八角樓不沒者三尺

二十四年十月十七日南平夜有星自西流大如斗
墜地聲聞百里是歲大疫死者萬計

三十四年順昌五月萬全民伐松樹剖視有花下一壺酒五字將樂虎傷人縣籍民爲鄉兵民苦之

三十五年夏郡饑秋大疫知府彭澄發倉穀賑之將樂鄉民黃善糾黨三十六人持刃橫行市鎮鄉民張元計擒之閏七月上杭賊流劫余家坪義兵周長戰死

三十六年青爲災郡民訛傳有海驢精爲怪晝夜防之數道士鬻符於市治怪有司疑之尋捕將處以法道士遁去怪亦息

三十七年廣賊破貢川

三十八年永安馬騮見

三十九年七月大帽山賊流劫將樂永康都延平衛官軍追至敗績十二月十九日程鄉賊首陳紹祿攻將樂城知縣俞一中募義兵與戰於三華橋賊引去所過鄉都殺掠甚衆

四年山寇阿蘇普傅紹五等聚衆分掠七縣郡守周賢宣計勦之

四十一年三月將樂軍人雷皮爲亂

四十五年十一月沙縣大州坊災

隆慶二年八月蛟湖都民孫賽稱亂千戶唐煥許名

威百戶謝應輝鄭印擒之餘黨俱斃於獄

三年十二月郡災

萬曆元年六月二十九日午時郡儒學對山五色雲見

三年五月初五日大水入城秋八月大饑

五年將樂彗星見西方八月二十七日有星如白長數丈至十一月沒

七年七月沙縣太白晝見

十二年九月十一日戌刻將樂有星光芒如斗自東南流入西北

十五年八月十六日新建南平學觀者如堵有一童子手執輪菌一本衆視之芝也詰其得處往視之復於本山得紫芝金芝玉芝各數本人以爲瑞應三十二年謝屯人吳建以白蓮教惑衆聚千餘人憲檄順昌知縣計擒之

天啓二年四月十一日大風雨雹

六年八月二十日將樂有流星如虹光芒亘天

七年五月二十二日雷震南平縣門

泰昌元年禾一莖三穗

崇禎元年南平饑

八年七月初六日巳時災燬四門城樓及公署神廟
共十四所民居三千餘知縣王道焜賑之復捐金三
十兩置威武樓坊火墻一扇以禦後患

十二年梅平州賊起調南營兵勦之

十三年七月將樂天雨黑粟

十七年七月將樂大旗山頂出旗五色踰時而沒

國朝

順治二年二月初六日大風雨雹屋瓦皆飛

四年二月初六日夜闔郡地震五月闔郡俱大水尋

寧化賊羅廷等焚劫將樂元坪又將樂光明都奸民

吳長文謝七寶等引盧溪賊陷城殺知縣錢楞縣丞
方抗長文七寶尋爲其黨支解死

七月順昌飛虎入城隍廟土寇楊日灼等率黨攻城
連月不得入十一月十九夜從地穴入焚擄殆盡知
縣錢嘉倫典史周世榜死之

六年六月沙縣饑斗米銀五錢

七年將樂各鄉虎食人經四五年其害不息

十一年春二月順昌祭丁文廟殿上燭花開祥光如
輪署縣通判謝天龍圖示通衢以爲科第瑞應云

九月副總高守貴賀國相率兵圍吳賽娘千總柴自

新計擒之斬賽娘首餘黨悉平

康熙四年四月大旱八月方雨

六年九月九日南平火自延福門至府前鐵像堂延燒千餘家

八年十二月劍溪水躍起數丈有異聲

十一年南平梅山地鳴聲如水沸

十八年秋八月黃昏天河水鳴

十九年十一月有彗星初如匹練竟天見於西方三旬後漸滅

汀州府

唐光啓間王緒陷汀州緒部將王潮王審知執緒以降

宋治平四年進桐木有文曰天下太平

元祐五年嘉禾生三十六穗

紹興二十二年六月生蓮同蒂異萼者十有二

淳熙十一年四月不雨至八月是歲大無詔賑恤

紹熙二年三月寧化縣水漂田廬

元至元十七年汀寇廖得勝等作亂伏誅

後至元五年六月長汀山蛟出平地水深三丈餘

至正四年夏火疫十四年大饑人相食

明洪武元年湯和平福建汀州路總管陳國珍以城降

正統十四年沙寇鄧茂七作亂圍汀四旬弗克

正德十二年巖前寇劉隆等作亂都御史王守仁平之

嘉靖三年十月甘露降

六年三月甘露再降

十八年五月十三夜星殞如雨

三十九年黃竹花其實如米居民取食之

隆慶元年至六年禾麻被野石米三錢

萬曆七年量田大旱

九年立夏日連城縣雨霜三晨

二十年連城縣姑田里出竹米數萬斛饑民食之

二十四年四月桐睦鄉楓樹開桃花

三十九年虎入黌宮

四十一年冬知府署產靈芝九本

崇禎元年正月廣寇攻上杭三月攻武平十月攻象

洞巡道曾櫻知縣吳南灝誘殲之

三年十月武平磔坑高家鍋地出血明年流寇大作

將士死殆盡督撫熊文燦會勦直搗其穴

九年大雨雹牛羊擊死

九年四月大饑明年正月寇由南靖入永定焚殺不

已署道潘融春知府唐世涵知縣徐承烈戮力勦賊

至四月乃撤兵

國朝

順治四年四月二十九日大水平地深二丈餘惠吉

門一帶舟從城頭入市

四年十二月寇陷連城至次年正月一日尅復執李

士藻等磔之

康熙三年秋七月彗星見

五年至八年連歲大熟石米三錢

十八年七月歸化縣城隍廟災

興化府

唐貞元八年三月甘露降於莆田縣文賦里潘嶺之

原

十三年罷牧馬

先是觀察使柳冕奏閩中開監牧馬至是觀察使閻濟美奏罷之

宋太平興國二年游洋民林居裔等作亂自號西平

王涵江人陳應功戰死漕使楊克讓討平之

八月八日颶風拔木壞廨宇民舍

淳化四年正月知軍馮亮獻芝草

大中祥符四年詔免丁身錢

慶曆五年減人戶身丁米

皇祐二年詔減丁米

熙寧十年饑

元祐五年颶風大作邊海居民漂蕩萬數

崇寧元年旱

大觀四年十二月二十日大雨雪荔枝凍死

紹興七年秋試揭榜譙樓有紫氣光焰亘天

明年黃公度陳

俊卿登及第

九年五月甘露降於壺山之深瀆村芝草生

十五年山寇周老虎等犯仙遊西鄉武翼郎袁章義

民丘祈戰死

二十年軍治大廳有五色雀集榕木上芝產後圃麥

秀兩岐

二十七年莆田縣夾漈溪一夕白氣屬天久而不滅

無何鄭樵以遺逸召

隆興二年莆田縣艱食詔守臣及常平使者賑饑蠲

猶剩米一斗

乾道三年猶剩米盡行除免

四年游洋民鑿井二丈餘得石有文日石上狀元

明年

鄭僑及第清源 石起宗亞之

淳熙二年仙遊縣九座山古杉木生花其臭如蘭

五年閏六月乙巳夜風雨暴作漂莆田廬舍

德祐二年十二月元陷興化軍執知軍陳文龍後不食死

景炎二年十月元屠興化軍通判權知軍陳瓚死之

元至正十二年居民陳居信等陷仙遊縣城

二十五年十月壬申地震有聲如雷

延祐三年六月仙遊縣南橋溪中涌出開元錢背有

開字或福字

明永樂三年莆田縣學泮池生竝頭蓮明年林環廷試第一

十四年大饑

正統中興化縣大疫虎兇縱橫

景泰元年莆田縣學泮池生竝頭蓮明年柯潛廷試第一

二年春夏大旱斗米二百錢

天順三年莆田北山虎食人山中數月絕人跡

十二年夏秋旱大饑知府陳表以聞詔免田租十之

三

二十二年夏旱六月己巳地震有聲九月丙寅又震

二十三年無麥無禾知府丁鏞申奏准稅糧折色

弘治六年、颶風大作、海舟入平田、官爲鑿渠乃出、其秋無禾。

九年、莆田廣業里資國寺僧徒烏七三等作亂、後營於仙遊興泰里、爲勇士魏昇所殺、寺廢。

十年、七月十二日、雷雨晝晦、大風飛瓦、大樹皆折。

十一年、四月、霖雨連日、蛟龍爲孽、山崩水溢、有豹乘水至龜塘、樹上墻垣廬舍皆壞、五月大雨復作、寧海橋折壞。

十二年、夏秋冬三時不雨、井滕溪塘皆涸、是歲詔悉蠲田租。

十七年、六月初一日、慶雲見壺山之頂、三日六日九日又見。

嘉靖二年、七月初四夜、火光見東北隅、良久乃散、初五夜、星入於月、是月廣寇申大總至興、史汝良知縣張廷槐、侄張世清戰死。

十八年、九月、府城火災。

十九年、歲大熟。

二十二年、五月十八日、五色雲見於壺山之上、七月二十六日、星流如火、二十八日晚、石室巖後雲氣如人馬旗幟、久之乃散。

二十四年大饑

三十五年七月天鼓鳴雨雹

三十六年十一月赤青見莆田江口橋石梁斷

三十七年六月天鼓鳴

三十九年五月府城中雨毛又大風雨雹拔木飄瓦

四十年自夏徂冬倭三入寇是夏又雨毛秋有獸渡

海入惠洋形類羊大如馬府城東關外豕生一頭六

足

四十一年春城中大疫立春日行禮於城樓六月倭

復入寇參將戚繼光來援斬獲千級八月初旬紫帽

山鳴三夜十一月新倭圍府城二十九日四更城陷

時分守翁時器怯懦寡謀巡撫游震得遣總兵劉顯來援不敢進遣兵八人齎牒詣城為倭所得殺之衣其衣持牒入城時器不之疑令守北門遂引倭入城時器與通判李邦光參將畢某俱逃去同知奚亮與訓導盧堯佐倭屯六十餘日乃趨平海縣尉葉時蘭皆死之

衛幸總兵戚繼光提援師至大破之

四十二年大風雨海水溢至府城外十二月倭攻仙

遊縣知縣陳大有固守總兵戚繼光援至倭遯是年

巡按御史李邦珍郡人御史林潤疏請免田租三年

悉蠲逋負從之

隆慶元年免田租之半二年至四年免田租十之三

四年風雨雷雹大作八月初七日大雨三日蛟起於壺山山崩數丈

六年莆田縣文賦里有大蛇吞鹿遙視蛇腹下有字萬曆三年七月四日有龍起東北方大雨如注

五年七月彗星出西南逾月乃滅

七年六月雷震廣化寺樹翼旦視之樹下有龍文金碧隱現

十四年莆田孝義里地裂丈餘水湧出黑沙味如礪礪沙上多牛跡是年及次年連旱大無禾

十六年冬莆田廣業里人曾廷邦柯守岳等作亂自號游天王次年知縣孫繼有擒殺之

三十二年十一月九日地大震城崩數處田地皆裂出黑沙味如礪礪水盡涸

三十三年大有年

三十四年大旱斗米二百錢詔免田租十之一

三十七年四月五色雲見北方

三十八年大有年

三十九年六月龍起於府城西關外之北磨山崩水湧大雨如注八月五色雲見紫帽山冬大有年

四十年正月晦火光見府城中光耀異常是夜四鼓

又見四月十二日雨雹大如拳風雨大作拆木飛瓦
四十一年二月十日黑光摩盪秋大旱

崇禎二年七月二十日雨血

十二年八月十七日大風飄屋拔木九月雨荳

十六年五月雨絲冬地大震有聲如雷

十七年仙遊縣山寇陳尾等作亂知縣吳堂討平之

國朝

順治三年十月初一日大師至市不改肆

四年山寇潘重勒王士玉郭爾隆等作亂時穀一石五兩

五年三月山寇陷府城又攻仙遊縣知縣孫之屏禦

却之七月大師復府城

十一年秋仙遊大飛山石崩

十二年正月初五日寇陷仙遊縣知縣陳有虞都司

王嘉禎死之

十三年正月大雨雪深三尺許

十七年正月大雨雪是年

詔官司賑恤流民分別紀錄加級秋禾生鎗

十八年徙沿海居民於內地

康熙二年夏大雨兩月不止大水

六年大有年

十三年三月十五日耿精忠據省城反十八日僞檄至府城兵乘亂大掠九月隕霜殺禾冬饑

十六年正月二十九日大師復府城併仙遊縣

詔全蠲本年田丁錢糧

十七年六月二日夜大風雨光燭燭天飛瓦拔木

二十一年自六月不雨至次年四月

邵武府

明永樂十四年七月邵光大水昌城蕩廬舍漂溺男女數萬口

女數萬口

正統十三年十月沙寇鄧茂七入泰寧縣縣治丘墟

人皆避山谷

成化十一年四月泰寧寇亂嘯聚行劫縣界騷然分

巡道童懋畫策委同知王佐擒首惡盧聰等五十餘

人遣散脅從民復安堵

萬曆十年八月日蝕既不辨東西雞皆棲宿九月彗

星見長竟天其色蒼尾指西北凡四十九夜乃滅

三十三年邵武縣公署生芝草

三十七年五月初八日邵武大水衝壞東垣饒垣登

雲橋二十四日平地水深三丈漂去北橋東橋田畝

廬舍人民溺死無算光澤泰寧亦水邵武又大疫知

縣宋良翰親勘災傷賑之

四十四年雷擊大樟樹分兩開中有劉廷之三字

國朝

順治四年山寇紛起薛三樂升如等結連外寇數萬
攻城時副將池鳳鳴知縣趙之璉知府陳喆協力戰
守城賴以全

十八年五月霖雨至六月山多崩裂古山嶺頭忽動
離故處山上草木如故

康熙元年六月二十一日溪水暴漲混濁如膏臭穢
觸人魚鱉鱉蝦浮死

二年十一月初七日夜雷桃李華

二十一年七月十七日午後大雷電以風擊破仁壽
寺佛殿西門內外晴霽如故

漳州府

梁大同六年九龍晝戲西江

唐天寶八年邑民鍾文定獲白鹿牝牡各一送郡繪
圖以進

宋大中祥符七年二月民丘顛於九龍溪獲一魚腹
中有珠圍闊三寸七分傍有小珠七狀如七曜太守
王冕表進之

明宣德五年長泰縣林震宅前兩井鳴三日是年震
狀元及第

正統十年十一月癸未地震連日夜凡九次鳥獸之
屬皆辟易飛走山崩石墜地裂水湧公私屋宇摧壓
者多凡百餘日乃止

十四年沙寇鄧茂七倡亂其黨楊福率衆攻陷漳浦
南靖長泰龍巖圍漳州指揮顧斌敗走之

弘治末年漳浦九都有巨魚入潮落不能去鄉人爭
剖其肉時饑賴以濟

正德四年漳浦蝗入境食禾稼知縣胥文相爲文以
祭害亦旋息

八年蘆溪賊反南贛汀漳軍門王守仁合二省兵討
平之

嘉靖七年龍溪龍巖平和甘露降松栢上如霜飭食
之甘

九年漳浦饑其春麥熟山竹生實如米採數百石饑
民賴以供食

九年漳浦四都有海嶼三峰並列其日忽沒於海不
見頃之三山並爲一峰屹立騰空有樓臺巍煥之狀
變態不常浮沉不一如是者凡三日識者以爲蜃氣

見云

四十三年六月南靖縣北大帽山鳴三夜及移縣於此山之麓人以為遷建之兆

四十四年南靖永豐里雨雹大如鵝卵折樹碎瓦人畜俱傷

隆慶二年三月十七日海澄縣有黑雲挾龍自八都東方起捲屋裂瓦火光倏忽燒燼苗蔬古塚棺柩亦有擊移者至港口而滅

萬曆二十五年春遍地生毛八月二十八日溪池自湧水溢數尺

崇禎九年十月賊首和尚仔劫掠漳平近縣知縣高光映督鄉兵追破之

十年七月山寇張維新聚眾流劫龍巖大池等處知縣鄧藩錫計擒之

十七年平和賊梁良等率眾萬餘寇城

國朝

順治二年十一月天上忽有大炮聲由東而西殷殷不止

三年貝勒王統大師入閩分遣大將略定傍郡九月十六日由大田抵漳平次日漳郡守縣令出降漳地

悉平

九年五月漳州城被圍城中大小餓死七十餘萬

十二年二月初二日巳刻日三暈狀如連環

十六年十月初一日天大炮響旋而有星如火隕自

西南

康熙三年六月大水壞廬舍千餘家漂溺人畜無算

十九年五月大旱大師十餘萬駐漳米價騰貴總督

姚啓聖設法令各郡協餉以本色運至價遂平

二十年遷民悉令復業先時銅山陸鰲懸鐘浯嶼瀕

海一帶居民遷入內地十九年三月海平遷民盡復

故土結草爲廬以田以漁人烟輳集雞犬之聲

二十年城鎮海

二十二年五月大旱漳屬數百里地盡赤秋始雨冬

大熟

臺灣府

鳳山相傳昔年有石忽開內有識云鳳山一片石堪

容百萬人五百年後閩人居之又相傳有佃民墾田

得一石牌內鐫山明水秀閩人居之八字

國朝

順治十八年辛丑夏五月鹿耳門水忽漲丈餘先時

鹿耳門水淺僅容小艇出入是月水忽漲鄭成功因之大小戰艦盡進港遂攻取臺灣焉

康熙十九年庚申六月間有星狀如劍長數十丈見西南隅經月方隱

二十二年癸亥五月間澎湖港有物狀如鯉魚長四五尺步沙而上鳴聲嗚嗚居民競燒楮錢物仍下海是夕復登岸死焉

六月王師進攻澎湖平陽鎮總兵官朱天貴奮勇冒險傷砲死焉

二十六年夜有大星隕於海其聲如雷

八月二十七日明寧靖王朱術桂在臺灣聞王師取澎湖遂具冠服投繯妻妾從死者五人

十一月雨雪是夜冰堅厚寸餘冰雪臺灣從來未有二十五年丙寅四月二十日辰刻地大震

福寧州

宋大中祥符五年寧德支提山石上產芝十五本

建炎二年六月建州叛卒葉儂陷福州七月朔寇寧德縣焚縣治長溪令潘中赴援死之

紹興十六年大雨連旬福安東平二溪水漲淹沒一縣龜湖山僅露山頂容數百人忽大蛇突出人皆驚

福安縣志 卷之二十三 雜記 五十五
溺浮尸聚樓雲寺前僧立流骸塚埋之

乾道元年四月不雨至六月章壘阮元齡撰懇旱魃

文齋禱龍湫立雨三日

五年大火 洪使君清臣之屋獨存

紹定四年福安縣大有年先是臨溪沼中紅蓮變為

白人以為兆

至正四年孝子林大興之池紅蓮悉變為白

十二年七月始團義兵社

十一月來賓縣巡檢州人阮宗澤禦賊於南屏死之

州尹王伯顏遇賊雷壇不屈死之

十五年州縣大饑人相食

十七年正月諸鄉各起團社吞併田土民怨有謠 吾儂

生長莆山曲三尺茅簷四尺屋大男終歲食無鹽
老婦蒸蒸淚盈掬阿郎辛苦學弄兵年年販鹽南
海濱擔頭有鹽兵一束羣行大隊驚四隣邇來紅
巾掠州縣沃野平民不知戰賢哉太守死作灰勇
矣林僧命如線林僧一戰功業單策馬東走來莆
山山人躑躅喜相遇邀我隣社東南旋我隣我社
輕死士苦竹長鎗兼丈五自從行劫出社來社甲
吹螺整行伍時維癸巳夏五月暘暑微民正愁絕
螺聲隱隱入郭門白旆央央下林樾饑兒寡婦常
諮諮老弱奔走趨道隅歟嗚翻羽動天哭虎豹掉
尾何時需空城一炬灰燼後車蓋歸來仍白授阿
娘垢面迎相公西隣推牛換新酒酒酣拍掌浩浩
歌天地雖大如吾何女兒朝餐饜梁肉走卒出市
陳干戈市人壘壘喪家狗路上相逢儘纏首儒巾
驚駭迎先鋒小兒號哭畏郎吼老翁再拜乞見憐
自從亂後無一錢舍人官買雞豕盡有田未種蠶

未眠先鋒拔刀倍嘆怒縛得家翁出門去妻兒哭
泣投社官願獲生全拜君賜社官點頭兒始懼年
來錢鈔交莫慳爾田儻入莆社籍爾屋老稚從居
安我田我廬不足惜應當門戶誰出入生男願作
社中吏生女願作先鋒妾胡然太府豈不聰有書
輒上莆社公栢臺主人任刀筆札札按覆皆相同
向來壞地方萬里比屋豪華皆武士五侯同封不
足誇一家十輪未為易匹夫勢轉千乘強驅役百
姓如驅羊編民貢稅入私室小大驅合無邊方手
提文印綠衣者饑食無魚出無馬流離安集無定
期蓬蒿獵獵故城下道旁遺老問行人泰安有社
民未貧行人蹙額皆相語我聞公社吏更仁前年
泰安掠城邑未曾入城先報捷前師失利後師奔
一市橫屍更稠疊至今大厦環州營一門公相皆
弟兄豺狼盤踞食人肉一叱一咤風雲生我聞有
命不敢告俯首未言膽先破老翁聞此雙淚垂風
雨洗天何日到

二十一年十月太安社築城

是時允橋道墳墓盡毀掘莫敢誰何民作吟傷

之哀君表君誠兒婦東山之下築城池掘人塚石
壘牆塹占民田土開營基欲謀於此胚漢業井蛙
尊大情何癡役民荷鍾任犁穴無骸不露堪歎歎
前人盡辭長夜室天陰露冷涼啾悲山中獨存素
氏墓若堂之封何巍巍又見若坊若夏屋芙蓉築
城芳飛飛無歸之鬼欲托處游日一見動所思鬼
靈相率語其下主人肅入安便宜眾鬼夜深苦啼
哭主人慰勉其辭惟桑與梓焉有舊孽危自合
相扶持兒孫祭掃同爾享佳城爽塹同爾歸且敘
平生受苦語又奚深夜啼悲為衆鬼致詞恤久遠
天地循環何所期城池恐為他人得他人又嫌牆
塹卑發號令民更增築吾家已破牆無基恐人掘
石及君墓嗟予與君俱無依

二十四年開王埕田令人四方射矢所及悉為社田

民怨有謠

山巍巍兮無麥原白麵細粉常盈盆林森
森兮無桑柘錦繡綾羅色相亞出門見嶺

不見江案前羅列皆鱸魴兒童吼闕南山下剩逐
牛羊與驢馬山妻嘻笑臨堂前滿頭珠翠垂翩翩

自言獲功始三載勝如仕宦數十年但願魁寇未殄滅與我增財廣買山間田

明洪武二年溫州叛賊葉丁香寇州屠戮甚慘官軍討平之大疫死者相枕籍虎縱橫村落傷人畜無紀有杜門者虎踰垣壞壁而入嚙之道絕人行是年境內稱三災

十九年大水人民淹沒大半田園丘墟

正統五年六月初一日瑞蓮生於州學泮池

十四年七月鄧茂七黨劫寧德縣藏取累年冊籍穆

洋民兵謝統四討平之

故寧德縣民版景泰以前無考

天順間大饑斗米銀二錢

五年七月十四日福安東平二溪水溢疾風猛雨從之大浸稽天

十三年三月虎入寧德城

十九年六月十九日海嘯

弘治元年福安三十都田禾一莖三穗多至四五叢五年正月二十六日蒼蠅千百羣集林文迪衣冠九二日是秋中省試第一

八年鵲巢寧德明倫堂是秋陳褒陳袞同捷

嘉靖十四年五月饑十月大疫道殣相望

三十九年五月寧德泮池水赤午紅晚黑凡五十餘

日、四十一年八月浙江參將戚繼光帥募士八千至州抵章灣師行淖鹵中把總王如龍朱璣秦經國奮勇先登殲倭衆千餘於橫嶼

萬曆元年七月二十日午曲井水沸溢於街至暮乃止

九年七月初九日夜大水流福安縣巨浪高於敵臺枕尸狼籍僅存東北二隅

十年三月二十日寧德縣穀飛瑟瑟有聲飛皆成聚如獸羣自午至申不可勝數

三十年閏二月二十日大金筆梁山突出一山自巳至未形體變幻不一觀者圖之

崇禎十三年七月內福安大水漂溺廬舍人畜無算國朝

康熙四年夏福寧州南郊火延燒民居甚多

四年正月初三日福安縣大雪城郭堆高五六尺

六年八月十六日福寧州大水

十四年八月內福安縣大水舟撐入城

十七年九月福安縣陳希卿妻產四男牙齒俱全產後登時死

福建通志卷之六十三終

福建通志卷之六十四

外島

王者以六合為家上暢九垓下泝八埏含氣之物
 各得其宜欲與聲教則治之不欲與者不與治也
 若乃淑問揚于疆外餘威震于殊俗海隅日出罔
 不率俾雖非禹貢所及而歸馭圖奉正朔莫不有
 功德可紀焉然未有協氣橫流大澤曾汜而窮濱
 絕島稽首面內如我

朝之盛者也近者臺灣邇于閩壤

聖謨神算命將出師用張撻伐澎湖克捷隨卽草偃



PI后缺

風靡降旛四出豈必煩陸賈之使尉佗相如之諭
 巴蜀哉輯寧善後俾為閩之藩蔽海國金湯從茲
 永鞏矣至于琉球僻在島外如黑子彈丸然奉貢
 惟謹則來享來王之國也當附而記之以示柔遠
 之義云作外島志

琉球國

在大海中正南偏東古夫詳何國漢魏以來未通隋大業中命羽騎尉朱寬訪求異俗始

至其國言語不辯涼一人而還唐宋未嘗朝貢元遣使招諭之不從明洪武中其國分為三日中山王日南山王日北山王皆遣使朝貢其國王嗣立皆受冊封後山南山北為中山所并時來朝貢國朝以來外島臣服康熙二十二年遣兵科給事中張學禮行人王垓往冊封二十二年遣翰林院檢討汪楫中書林麟焜往冊封其風俗去髭黥

韓子習書

